

zuóculo?³¹ — La feia pioûn grânda, la va sul balcón, a vidi chi ch'a zi che çeîga.

Stu siúr la vido e 'l ga dei: — „Quila zúvana, i vi³¹) piérso oûn zuóculo?“ — „Siúr sei, la ga dei gila; el viégno soûn, ch'i ma lu misoûro.“ — Loû, el va soûn, e gila sa lu misoûra, e 'l ga zi mássa peício. La ga dei: — „El spiéti³²), ch'i vágo a métame li cälze feïne.“ — „Invir³³) de métasse li cälze feïne, la sa tája i didi³⁴); ma listísso el zuóculo, el nu ga stíva ben. El ga dei, el siúr: — „Mah! i vi oûn' altra sor, vúi?“ — La ga raspóndo gila: — „Mái³⁵), chi nu' nde ié.“ — „Bon³⁶); el ga riépica loû, chi 'nde vi oûn' altra.“ — E 'l va in cánbara, e 'l vido la Conçaçiénara e 'l ga dei: — „Quila zúvana, i vi piérso oûn zuóculo?“ — „Siúr sei, la ga dei gila; el ma lu dággi quá, chi ma lu misoûro. Loû, el ga lu dá, e gila, la sa lu misoûra; e 'l g'uó stá ben. Su sor víva oûn móndo de rábia, parchí el zuóculo ga stíva ben. Stu siúr, alúra, el ga dei: — „I ma vuói spusá insiéme cun vúi.“ — La Conçaçiénara, alúra, la va là dal púmo e la ga dei:

— „Púmo, biél púmo,
despoûja la ráma,
vésti la dáma:
fála pioûn biéla chi ti puói.“ —

E loû, el l'uó fáta pioûn biéla ancúra de doûte li áltre vuólte, ma sénza oûn zuóculo. E gila, alúra, cussei visteida, la va soûn in cánbara. Su sor, cu la la vido cussei biéla. — „Veissare³⁷), la dei, dúna máre, la Conçaçiénara, che biél visteida! la par oûna stíla!¹⁴ —

Stu siúr, alúra, g'uó dá el zuóculo. Gila, la su l'uó misso in peie; e loû, el l'uó purtáda al su país; e i uó vivisto in pas, in caritá.

E mei, ch'i giro là,
cun oûn pidissein í m'uó butá in quá.

³¹) Avete. ³²) Aspetti. ³³) Invece. ³⁴) Dita. ³⁵) No. ³⁶) Sì. ³⁷) Viscere (esclamaz. di meraviglia). Raccolta, del pari che le seguenti, dalla viva voce di Maria Puschia, d'anni 21.